



Broj: 01/05-02-833-2/23  
Sarajevo, 18.12.2023. godine

**PARLAMENT FEDERACIJE BiH**  
**DOM NARODA**  
n/r sekretara Doma  
Hamdije Kreševljakovića 3  
Sarajevo

**BOSNA I HERCEGOVINA**  
**VLADA FEDERACIJE BOSNE I HERCEGOVINE**  
**GENERALNI SEKRETARIJAT**  
Veza Vaš broj 03-04-1028-6/2023  
n/r sekretara Vlade  
Hamdije Čemerlića 2  
Sarajevo

**FEDERALNO MINISTARSTVO POLJOPRIVREDE,**  
**VODOPRIVREDE I ŠUMARSTVA**  
n/r ministra  
Hamdije Čemerlića 2  
Sarajevo

**PREDMET:** Odgovor na zastupničko pitanje, dostavlja se  
**Veza:** dopis Doma naroda Parlamenta Federacije BiH broj 05/2-02-456/21 od  
27.11.2023.godine

Poštovani,

Postupajući u skladu sa dostavljenom delegatskom inicijativom, delegatkinje Sanela Klarić, a koja se odnosi na molbu da se uvrsti stavka o izradi novelacije karte upotrebne vrijednosti poljoprivrednog zemljišta na području Kantona Sarajevo u Plan rada Zavoda, dostavljamo Vam slijedeći odgovor.

Prije svega želimo da se zahvalimo delegatkinji Saneli Klarić na činjenici da je shvatila značaj rada Federalnog zavoda za agropedologiju.

Kao što Vam je poznato Federalni zavod za agropedologiju je federalna samostalna upravna organizacija koja je osnovana Zakonom o federalnim ministarstvima i drugim tijelima federalne uprave ("Sl. novine FBiH", br. 58/02, 19/03, 38/05, 2/06, 8/06, 61/06, 80/10 - odluka US i 48/11), a njegova nadležnost je definisana članom 29a. naprijed navedenog Zakona.

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 21-12-2023			
Org. jed.	Broj	Priloga	Vrijednost
05/2	-02-	456	/23



S tim u vezi, Federalni zavod za agropedologiju je dužan prilikom donošenja Plana rada primjenjivati Uredbu o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Sl. novine FBiH", br. 74/19 i 2/21 – u daljem tekstu Uredba).

Članom 12. stav 7. i 8. Uredbe propisano je da federalni organi uprave, kantonalni organi uprave, odnosno općinski/gradski organi uprave pripremaju radnu verziju godišnjeg plana rada najkasnije do 31. jula u godini koja prethodi godini za koju se donosi godišnji plan rada. Godišnji plan rada sa podacima o aktivnostima/projektima, te iznosima i izvorima planiranih finansijskih sredstava koriste se u procesu izrade zahtjeva budžetskih korisnika na svim nivoima vlasti u Federaciji u mjesecu augustu godine koja prethodi godini za koju se izrađuje budžet.

Članom 4. Uredbe propisani su ključni principi planiranja, monitoringa i izvještavanja u Federaciji, te je u istom članu pod tačkom c) navedena horizontalna i vertikalna koordinacija između svih nivoa vlasti u Federaciji, dok je tačkom d) istog člana propisan princip komplementarnosti.

Članom 7. stav 2. Uredbe definisan je pojam vertikalna koordinacija, koja podrazumijeva ujednačeno i koordinirano postupanje u procesima trogodišnjeg i godišnjeg planiranja, monitoringa i izvještavanja na različitim nivoima u Federaciji, radi osiguravanja zajedničkih razvojnih pravaca, te usklađenosti sa relevantnim strateškim dokumentima Bosne i Hercegovine, dokumentima iz procesa europskih integracija i međunarodno prihvaćenim globalnim ciljevima održivog razvoja.

Pojam komplementarnosti, na osnovu člana 8. Uredbe, podrazumijeva da se strateški projekti i aktivnosti različitih institucija i nivoa vlasti u Federaciji u okviru trogodišnjeg plana rada i godišnjeg plana rada međusobno nadopunjavaju radi multiplikacije razvojnih efekata.

Na osnovu navedenog, a kako bi smo mogli u neki od budućih planova rada Zavoda, a samim tim i u trogodišnji plan rada, uvrstiti aktivnost izrade novelacije karte upotrebne vrijednosti poljoprivrednog zemljišta za područje Kantona Sarajevo, potrebno je da se ispoštuju principi planiranja propisni Uredbom te ostvari saradnja sa nadležnim ministarstvom Kantona Sarajevo koje je ovlašteno za donošenje Prostornog plana Kantona Sarajevo.

Federalni zavod za agropedologiju nije zaprimio ni jedan dokument koji bi predstavljao poziv na saradnju, s ciljem izrade Prostornog plana Kantona Sarajevo, te s toga nismo u mogućnosti udovoljiti delegatskoj inicijativi.

Napominjemo, da Federalni zavod za agropedologiju ostaje otvoren za svaki vid saradnje u skladu sa zakonskom regulativom.

Srdačan pozdrav,

  
**DIREKTOR**  
**Dženan Vukotić**

Dostaviti:

1. Naslovu -3X
2. U spis
3. a/a